

COMISIÓN INFORMATIVA DE TRANSPARENCIA E ADMINISTRACIÓN PROVINCIAL

ACTA da mencionada comisión informativa, correspondente ao día **16 de maio de 2018**

ASISTENTES:

PRESIDENTE: D. Rosendo L. Fernández Fernández	No Pazo da Deputación Provincial de Ourense, o 16 de maio de 2018 , ás 17.03 horas, baixo a presidencia do vicepresidente 1º da Deputación Provincial, don Rosendo L. Fernández Fernández (por ausencia do deputado don Jorge Pumar Tesouro, que preside ordinariamente por delegación, e do Presidente titular da Corporación) e coa asistencia dos señores/as á marxe relacionados, reúnese a expresada comisión informativa, co fin de proceder á preparación e estudo dos asuntos que se indican, adoptándose os seguintes acordos:
DEPUTADOS/AS:	
D.ª Montserrat Lama Novoa	
D.ª Consuelo Vispo Seara	
D. Antonio Montero Fernández	
D. Miguel A. Cid Álvarez	
D.ª María Teresa Cerdeira Valiñas	
D.ª Isabel Gil Álvarez	
D. José Ignacio Gómez Pérez	
D. Adolfo González Nóvoa	
D. Armando Ojea Bouzo	
D. Ramiro Rodríguez Suárez	
SECRETARIO:	
D. Francisco Cacharro Gosende	
INTERVENTOR ACCTAL:	
D. José Mosquera Casero	

1º.- ACTA ANTERIOR, CORRESPONDENTE Á ORDINARIA DO DÍA 18 DE ABRIL DE 2018.-

En relación coa acta da reunión anterior, correspondente á ordinaria do día 18 de abril de 2018, non se formulan observacións quedando aprobada por unanimidade.

**2º.- MOCIÓN DO GRUPO POPULAR PARA MODIFICACIÓN DA BASE 67ª
DAS BASES DE EXECUCIÓN DO ORZAMENTO DA DEPUTACIÓN EN
MATERIA DE AISGNACIÓNS AOS GRUPOS POLÍTICOS.-**

O Sr. Presidente da conta da moción presentada polo Grupo Popular.

Non se producen intervencións, someténdose a votación a moción, que obtén o voto favorable do Grupo Popular (6) e a abstención do resto dos grupos políticos, ditaminándose favorablemente a adopción, por parte do Pleno, do seguinte acordo:

1º.- Modificar o apartado c) da base 67ª das bases de execución do orzamento xeral da Deputación Provincial de Ourense, quedando redactada como segue:

Base 67ª

c) Asignacións aos grupos políticos na corporación:

1.- De conformidade co artigo 73.3 da Lei 7/1985, dO 2 de abril, reguladora das bases do réxime local, e o artigo 13 do Regulamento orgánico da Deputación Provincial de Ourense, recóllese a disposición no orzamento anual dunha dotación económica que se destinará aos Grupos Políticos con representación na corporación provincial, co obxecto de atender aos seus gastos de funcionamento. Estas asignacións teñen os seguintes importes:

- Un compoñente fixo: 900,00 euros mensuais a cada grupo.
- Un compoñente variable: 900,00 euros mensuais por cada deputado.

Os grupos terán dereito ao uso dun local no Pazo Provincial, dotado de mobiliario e enerxía eléctrica. Os restantes gastos de funcionamento, tales como material de oficina e gastos de teléfono e de correspondencia, serán de conta de cada grupo. No caso dos gastos telefónicos e de conexión a internet, de ser estes soportados pola Deputación, deducirase a súa contía nas sucesivas liquidacións mensuais da subvención ao grupo.

O artigo 73 de la LRBRL limita o destino destas asignacións, non podéndose destinar estas ao pagamento de remuneracións de persoal de calquera tipo ao servizo da Corporación ou á adquisición de bens que poidan constituír activos fixos de carácter patrimonial.

Terán a consideración de gastos subvencionables as achegas realizadas desde os grupos políticos aos partidos políticos para o financiamento dos seus gastos ordinarios. Para tal efecto, na documentación soporte da transferencia da asignación dos grupos políticos aos seus partidos deberá constar, segundo a lexislación vixente, o seguinte concepto: “Achega para o financiamento dos gastos ordinarios de funcionamento do partido”.

A dotación deberá destinarse a gastos correspondentes ao exercicio orzamentario.

2.- Cada grupo político provincial deberá levar unha contabilidade específica desta dotación, que porá a disposición do Pleno da Corporación sempre que este llo pida.

3.- Para a percepción desta asignación observaranse os seguintes trámites:

a) O portavoz de cada grupo provincial presentará, nos primeiros vinte días hábiles posteriores ao termo do trimestre a xustificar, ante a Intervención Xeral da Deputación Provincial, unha xustificación semestral dos gastos realizados baseándose na asignación económica concedida, consistente nun estado - resumo (en formato idéntico ou semellante a unha conta de perdas e ganancias) da contabilidade levada polo grupo, así como unha copia do extracto bancario no que se reflictan todos os movementos da conta corrente aberta polo grupo político, relación que deberá ser asinada polo portavoz respectivo facendo constar que os devanditos pagamentos se efectuaron exclusivamente para atender os gastos de funcionamento indicados.

b) Para a xustificación das achegas transferidas aos partidos políticos deberá xustificarse o movemento baixo a epígrafe de “Achega para o financiamento dos gastos ordinarios de funcionamento do partido”, debendo acompañarse un escrito, asinado polo portavoz do grupo e polo responsable da xestión económico-financeira do partido político, no que se declare que a achega realizada foi para a colaboración nos gastos ordinarios de funcionamento do partido.

c) A fiscalización do gasto pola Intervención limitarase a comprobar que se presentou a documentación co formato establecido nos dous apartados anteriores, subscrita polo portavoz do grupo.

d) Unha vez efectuada esta fiscalización formal pola Intervención Xeral da Deputación Provincial de Ourense, emitirá un informe no que fará constar a correcta (ou non, segundo proceda) presentación de toda a documentación esixida en tempo e forma que xunto coa propia documentación estará accesible para a cidadanía de Ourense dentro do portal de transparencia da Deputación Provincial de Ourense.

4.- Ao longo do primeiro trimestre posterior ao fin da anualidade xustificada, os informes da Intervención Xeral, xunto coa documentación presentada polos respectivos grupos provinciais existentes remitiráselle ao departamento de partidos políticos do Tribunal de Contas.

5.- No caso de que non se presente esta xustificación semestral ou que o informe formal da Intervención Xeral da Deputación Provincial de Ourense sexa negativo, quedarán automaticamente suspendidos os pagamentos das cantidades recoñecidas ata que non se proceda a regularizar esta situación.

6.- Cada grupo político provincial deberá levar a contabilidade dos gastos realizados baseándose na asignación económica concedida, soportando documentalmente os gastos realizados cos seus xustificantes (facturas, recibos, facturas simplificadas), relación que deberá ser custodiada polo portavoz do grupo respectivo e posta a disposición do Pleno da Corporación cando este a requira.

7.- Ao termo do mandato e, sempre antes de que se constitúa a nova corporación, cada grupo xustificará a totalidade das asignacións percibidas, debendo ter liquidadas as dotacións recibidas con destino ao seu funcionamento, de xeito tal que no caso de que existisen, nese momento, excesos de financiamento, deberán reintegrar o exceso na Tesourería Provincial.

2º) Someter a presente modificación a información pública, polo prazo de quince días hábiles, mediante anuncio inserido no Boletín Oficial da Provincia. Durante o dito prazo, os interesados poderán examinar o expediente e formular reclamacións ao respecto. A modificación considerárase definitivamente aprobada se durante o indicado prazo non se formulan reclamacións, procedéndose á publicación da modificación no Boletín Oficial da Provincia para a súa entrada en

vigor. En caso contrario, o Pleno disporá dun prazo dun mes para resolver sobre as reclamacións e sobre a aprobación definitiva da modificación.

3º.- MOCIÓN DE URXENCIA.- Non se presentaron.

4º.- ROGOS E PREGUNTAS.- Nesta quenda prodúcense as seguintes intervencións:

Dona Isabel Gil Álvarez, do Grupo Socialista, formula un rogo que cualifica como unha pequena reflexión, manifestando que tras tres anos no cargo de deputada xa ten algún coñecemento de como funciona a transparencia na Deputación Provincial, e considera que isto é un paripé, que a transparencia na Deputación non é obxectiva, e que na realidade non hai tal transparencia, pois é puramente virtual e non real. Pon como exemplo disto que di que se dotou e se concedeu unha subvención de 60.000 euros para executar unha estrada, pero logo durante a execución se levou a cabo unha modificación da obra na que se substituíron determinados elementos, cando o que en realidade sucedeu foi que – téndose concedido 60.000 euros para arranxar a estrada – os cartos gastáronse en executar só a metade da estrada, realizándose unha modificación que non foi tal, porque en realidade non se acabou a obra, e por tanto non houbo modificación da obra senón substitución por outra distinta. Cre – e este é o sentido do seu rogo – este tipo de prácticas.

O **Sr. Presidente** di que se iso sucedeu e a señora deputada o sabe, entón a transparencia é real e existe; cousa distinta é que á señora deputada non lle goste o que se fixo.

E, ás 17:10 horas, dáse por finalizada a reunión, redactándose a presente acta, que asinan o presidente e o secretario. Certifico.